

# ***Dibsho ni Inpaspasing nonta ira Apostol (ACTS)***

## ***Lessons Para iren Anak***

### LESSON 6

**Bible Story: Sota ira podno emati angkhen eshakel i digat sha ira ladta mansilbi son Apo Shiyos.**

Scripture: Acts 4:32-5:42

Learning Goal: Amtaan ni anak jen sota ira podnon emati son Jesus Cristo ket sha kedag-a ni olay i bilin nen Apo Shiyos angkhen eshakel i digat sha.

Review Questions:

1. Sipa sota kaonkontra ni kepan-obda nen Apo Shiyos shi biyag ni sakey ya too? (Si Satanas)
2. Ngantoy nem inbalod sha si Peter nen John? ( khavol ta intoro shay maypangkhep son Jesus)
3. Piga i emati nonta na akew ni Mapteng nga Shamag? (2 thousand)
4. Nganton ngaran i inkowan ira nen Peter tan John so nonta ira pangolo ni religion na inkowan shen naagasan nonta epilay? ( Ngaran nen Jesus)
5. Nganto sota inbilin ira nonta pangolo ni religion son Peter nen John na isalsheng shen itoro shi eshom? (isalsheng shen ikowan ono itoro i ngaran na Jesus)
6. Sipa sota inkowan nen Peter tan John na pasien?
7. Ngantoy dingkha ira nonta emati nonta intenengan shay ipasamak son Peter nen John? (nankarag ira tan inshayaw sha si Apo Shiyos)
8. Ngantoy dingkha nen Apo Shiyos ja pengipa-sas to ey intenengan toy shawat ira nonta emati? (Nanjegjeg tan enshalan ira ni Ispirito Santo et iwad-an ira ni toled ja mengikowan ni Esel nen Apo Shiyos)

**Bible Lesson: Sota podnon emati manpatoloy angkhen eshakel i digat to.**

(Give Bibles to any students who did not bring one. Encourage them if they have their own Bible to bring it to class each week.)

#### **A. Introduction:**

Shi tayo kepan-ash-ashal nonta biyag ira ni pilmiron emati, inon-an tayo i itsora ni ematin inshalan ni Ispirito Santo. Nganto kari ira sota eshom ma, ma-sas shi biyag ni ematin inshalan ni Ispirito Santo? (Insas tayon sota ira emati ket waray emdeng sha tan toled shen mengikowan ni Esel nen Apo Shiyos shi eshom.)

#### **B. Waray kepansaksakey ira ni emati.**

*Idokat tayoy Biblia tayo shi Acts 4:32. (Ipabasam soni anak)*

Ipa-sas niyay ya verse no nganto pay iray itsora ni ematin inshalan ni Ispirito Santo. Sota ira emati waray sha kepansaksakey shi pangkhep tan shi kepannemnem. Piyan ton aseden eg ira mankikinontra no diket sha kaevati i sakey tan sakey. Waray sha kepansaksakey shi pangkhep sha, sota pengikwan sha ni Mapteng nga Shamag so ni eshom, ira emantitolong shi sha kepan-obda, Tan no nganto i kokowa ni sakey ket kokowara ja emin.

Mayat iyay ya kedagdag-a ira ni emati nontan. Say sakey ya emati son Jesus waray to kepekisaksakey shi khait ton emati. Agdalo sota sha kepansaksakey shi pengitoto ni podnon Esel nen Apo Shiyos so ni eshom. Nem niman man-anad kito tep eshakel iray mengikokowan ono mengitostoso ni Esel nen Apo Shiyos nem eg sha pasien si Jesus ja Shiyos tan Mengisedahan sha shi shosa ni basol sha mismo. Say pekisaksakeyan tayon toro ket sota kinapodno maypangkhep son Jesus tan no nganto i piyan nen Apo Shiyos si-khato i tongpalen tayo ja eg kito man-kikinontra.

### **C. Sota ira emati, ira emantitinolong**

Sakey pay ya dingdingka ira nonta emati ket sota sha kepantitinolong. Sota sakey ya emati kasapolan na masim-et si-khaton ontolong nodta khait ton emati. Kasbilang waray khait jon emati jen mansekit, todongan tayo si-khato, mengikan kito ni kasapolan to tan ikararagan tayo si-khato. No maminsan edigat kiton mengikhan agdalo no ebanol son si-kham.

No edigat son si-khatejo jen dag-en sota inges toy dingkha ira niya emati shiya Acts 4, aliwen problima ta todongan sha kito nen Apo Shiyos! Sota ira emati shiyay inshalan ira ni Ispirito Santo, Si-khatoy timolong son si-khara isonga kinabaalan shen dingkhen engikowan ni Esel nen Apo Shiyos tan timolong shi eshom. No kahamandikhat jen mengikhan sota Ispirito Santo i ontolong son si-kham say manbeden ken maikan, et mabedin ka men mengibingay ira nonta bindishon nen Apo Shiyos son si-kham.

*No assen tayoy Act 4:34-37*, masas tayod jay iray ematin sha ketodongi iray makesapol. Indahora i baley sha ono boday sha say waray itolong sha so ni eshom ma emati. Jet sota nandahoan sha, in-awat sha so nonta ira apostol, ja si-kharay maka-amten jen mengikhan nonta pilak so nonta ira makasapol. Waray sakey ya emati jen manngeshan ni Bernabe, ja say piyan na aseden ni ngaran to ket “Mengikhan ni pansi-metan”. Si iya Bernabe indaho toy eshom ma boday to jet sota pilak in-awat to so nonta ira apostol.

Sajay iren emati, epodno iren mengonod ni piyan nen Jesus. Piyan shen manbiyag jen si Apo Shiyos i mayshedjaw. Inon-an tayon sajay iren emati, waray emdeng shen ontolong so ni eshom tan sota ira apostol, patoloy iren amengitosho ni Mapteng nga Shamag maypangkhep son Jesus. Nem niman assen tayon wara ngo iray emati jen nankonwari ey sota piyan nen Jesus i dingkhara.

### **D. Wara iray ematin aliwen epodno.**

*Basaen tayoy Acts 5:1-2*. Ngantoy dingkha nen Ananias tan Sapphira shiyay binasa tayo la jen verse? ( Nandaho ira ni eshom ma boday, nem sota eshom ma pilak jen nandahoan sha intalo sha jet sota eshom in-akan sha so ira nonta apostol.)

Sota ira epodno jen emati son Jesus Cristo ira amepiyal. Si Ananias tan si Sapphira, nan-oowap ira nonta in-awat sha sota eshom ma pilak so nonta ira apostol. Nan-oowap ira, kowan sha ey in-akan shen emin sota nandahoan sha ni boday, nem sota Ispirito Santo inshalan tos Peter say idasin ton ira kaman-oowap.

### **E. Keshosaa nen Apo Shiyos i basol.**

Importantin pasiya jen maytosho i Mapteng nga Shamag so ni eshom. Sota dingkha ira nen Ananias nen Sapphira ket basol. Piyan shen ipas-sas soni eshom jen maikhan tan matodong ira isonga nan-oowap ira nem amta nin Apo Shiyos i wared poso sha isonga shinosa to iren showa.

*Basaen tayoy Acts 5:4-5 and 5:9-10*. Say sopapak ni basol sha ket patey, etey iren showa. Jet sajay ya sopapak ni basol sha, piyan ton ipa-sas jen si Apo Shiyos, amta to no say sakey ya too ket manpamarang jen singa noman na epodnon mansilbi son Apo Shiyos. Jet sota ira emati nonta insas sha iyay ya epasamak jet itakot ira. Inon-an shen ngaaw nen Apo Shiyos i basol jet kenshat ta wara i a-khan Ton sopapak to.

Importanti jen no waray panbesolan tayo ket mabebawi kito et mengshaw kito ni pakawan son Apo Shiyos say sota panakabalin ni Ispirito Santo waray pesing Ton man-obda son si-khatejon kosto.

No eg edisiplina si Ananias tan si Sapphira khavol ni basol sha maapiktaran i Ispirito Santo. Mesaktan i Ispirito Santo et mandikat ta man-obda son si-kharen emati. Nonta eshosa sota basol, intoloy ni Ispirito Santo jen nan-obda babaen nonta ira apostol. Eshakel iray totoon engitneng ni Mapteng nga Shamag tan emati son Apo Jesus, isonga shimakel iray emati.

Eshakel ira met lang iray emansekit ta indaw sha so nonta ira apostol jet memapteng ira. *Basaen tayoy Acts 5:16*. Sota ira emansekit ja sha kaidaw nodta ira apostol ket memapteng. Nonta wara si Jesus

shiya dobong To kaekasi sota ira sha kaidaw son Si-khato. Niman na dimaw da Si-khato shi dangit, sota Ispirito Santo ja nan-iyen so nonta ira apostol i engagas so nonta ira emansekit ja indaw sha son si-khara.

#### **F. Naapal la pasiya sota engaton pari tan sota ira Sadosiyo so nonta ira apostol.**

Shi kepan-obda nen Apo Shiyos so nonta ira totoo, eshakil son si-kharay ememati son Jesus isonga eg ma ira meshosa, nem amtayo ngaaw nonta engataon pari tan sota ira Sadosiyo jen wara iray memati son Jesus. Imbis koma jen sota ira papashi tan sota ira Sadosiyo ket edadsak ira no saman na wara iray memati tan maekasan i sakit sha. Nem ayshi ta apil i ogadi ira niyay ya papangolo ni religion. *Basaen tayoy Acts 5:17*. Ngantoy dingkha iren jay jen papashi tan sota eshom ma pangolo ni religion? Ireka manbonget tan maepal. Ngantoy ngata nem ira kemaepal? Sajay iren totoo kowan sha ey am-antara si Apo Shiyos tan si-kharay mengitosho maypangkhep son Apo Shiyos. Wara ngata son si-khara sota panakabalin na inges toy panakabalin ira nonta apostol? Ayshi, ayshi i panakabalin sha tep eg sha pinati si Jesus jen Anak nen Apo Shiyos. Khavol ta eg sha pepatien si Jesus, ayshi son si-khara sota Ispirito Santo jen mengikhan son si-khara ni panakabalin say waray medekara para son Apo Shiyos.

#### **G. Inpaibalod ira nonta papangolo ni religion sota ira apostol**

*Basaen tayoy Acts 5:18-19*

Inshel nonta ira papangolo iray apostol et inbalod sha ired badoran. Sota ira makontra son Apo Shiyos ket piyan shen pesalsheng i obda nen Apo Shiyos, isonga sha kepedigatay biyag ira nonta mansilbi son Jesus. Nem aliwen sajay ekedismayaan sha. Say emati wara ni olay i toled tan anos sha ja mansilbi son Jesus ta ayshi angkhen sipa jen mengisalsheng ni obda nen Apo Shiyos. Sota Ispirito Santo i emengikhan ni toled tan sha kepimeyal son Apo Shiyos, angkhen naskel tan naybalod ira shi sha kepingetosho ni Mapteng nga Shamag.

*Basaen tayoy Acts 5:19*. Nonta na dabi, sota anghil nen Apo Shiyos to dinokatan ira sota sakepan ni badoran. Jet binidin nonta anghil iray apostol jen ondaw ira shi timplo say itoloy shen itoro sota Mapteng nga Shamag. Jet sota ira apostol inde-jas shay badoran na eg dinekna nonta ira guardja et dimaw ired timplo ja nantoro.

#### **H. Inshalan ni Ispirito Santo iray apostol, etoled iren nantoro shi timplo**

*Basaen tayoy Acts 5:22-23*

Sota engaton pari tan sota ira khait to tan sota ira pangolo ni Hodiyos, nashaaw iren pasiya ta nonta inkowan shen sha di pa-vas iray apostol shi badoran say onsango ira son si-khara, ayshi la ira. Naytolbek met sota badoran tan sota ira emanbatay wara met ired man nem apay nga nakaawas ira sota naybalod. Sota ira papashi tan sota ira toray ket nashaaw ira tan ira kaemanshanag nonta intenengan sha iyay ya shamag.

Waray ingeshanon so nonta ira papangolo jen sota ira apostol ira emantosho shi timplo. Jet sota apo ni solsharo, tan sota kapitan to met lang dimaw iren sha inadok sota ira apostol jet insango sha so nodta engaton pari tan so nonta ira toray.

Epaay ira jay jen papangolo, so nonta ira apostol tep binidin sha iren pasiya ey eg sha itotoro sota maypangkhep son Jesus. Sota ira papashi tan toray ket ngaaw shen itenengan sota kaitortoto ira ni apostol tep ngaaw shen si-kharay pebesolan ni too ni inkatey nen Jesus. Sajay i khavol no apay nga piyan shen pesalsheng iray apostol jen mantosho.

Nem si Peter tan sota ira khait ton apostol eg ira timakot tep inshalan ira ni Ispirito Santo. Intoled shen inkowan na mesepol la si Apo Shiyos i pasien sha; aliwen sota kowan ni too. Jet bimonget sota engaton pari tan sota ira kakait to, jet piyan shen pebono iray apostol.

Nem waray manngeshan ni Gamaliel ja ekitabtabal so nonta engaton pari tan so nonta ira toray. Inkowan to son si-kharen, “Bay-iyo ira ta apostol, angken itoloy sha sota shaka dagdag-a. Ta no sajay sha kebandag-a ket tooy edapo-an to, eg onbayag, no diket ma-omas sa shagos. Nem no si Apo Shiyos i

edapo-an to, eg mebedin na ebaken jo ira, no diket si-khayo et ngo mowan i ememekal son Apo Shiyos.” Pinati ira nonta toray sota inkowan nen Gamaliel, jet inbolos sha ma ira sota apostol. Nem inpasepdat sha nin ira tan binidin sha iren eg sha itortoro i maypangkhep son Jesus asan sha ira ibolos.

Wara ngata i dingka ira nonta apostol ja ngaaw ja kavol ni kesepdatan sha? Sipa i menemnem jon sinepdat sha angkhen ayshi ibasol ton polos? Si Jesus, indakdakaran nonta ira toray tan papashi ni baras angkhen ayshi i basol To. Si-khato sota Shiyos Anak, isonga polos jen ayshi i basol To.

Jet sota ira apostol, indekjas sha ira sota esa-nop pa toray ja ireka eman-imdeng nga pasiya tep si Jesus i kabol ni sha kepandikdik. Ninemnem sha ey sajay i ka-asan to ey kinosto-an ira nen Apo Shiyos. Eg ira namtik ono nan-emot ta entakot iren mandi-kat nodiket, intoloy shen ennantoro ni inakew maypangkep son Jesus shima Timplo tan shima kebalebaley.

### **A. Conclusion:**

Kepan-itoro son si-khtejo shiya dibsho ni Acts no kas-ano kiton manbiyag jen nay-anam son Apo Shiyos. Jet no si Apo Jesus i tayo kepiyala tan kepati-a wara son si-khatejo i Ispirito Santo jen ontolong son si-khatejon manbiyag para son Apo Shiyos. Isonga angkhen eshakel iray digat shi biyag kasapolan na eg tayo ebjagan na mansilbi son Apo Shiyos.

### **Memory Verse:**

Acts 5:42 (NIV) “Day after day, in the temple courts and from house to house, they never stopped teaching and proclaiming the Good News that Jesus is the Christ.”

**Memory Verse Activity:** Write phrases on butcher paper and tape them to different walls in the classroom. After introducing the verse have the students walk around the room as you play music. When the music stops the students need to find a phrase to stand by. Have each group say the phrase they are standing by. Encourage them each time you start to try to go to a different phrase each time the music stops.

**Close in prayer.**